

զտեղին եւ եզիտ զգերեզմանն յորում ոչ ոք երբեք էր թաղեալ, անդ՝ վասն ուրբաթուն հրէից, զի մօտ էր գերեզմանն՝ եղին զՅիսուս» (Մոր. ԻԷ. էջ 606):

3. — Յիսուսի իր մօրը յետ յարութեան երեւնալու աւանդութիւնը Ս. Գերեզմանին մօտ. — Ըստ Նոր Կտակարանի, Յիսուս յետ յարութեան տասն անգամ կ'երեւնայ, Յարութենէն մինչև Համբարձում, բայց եկեղեցւոյ Հայրերուն ընդհանուր կարծիքն է թէ Ան յաճախ երեւցած է: Ս. Իգնատիոս և Ս. Ամբրոսիոս և ուրիշներ կը պատմեն թէ, ըստ աւանդութեան, Տէրը յարութենէն յետոյ խկոյն երեւցաւ իր մօրը Ս. Գերեզմանին մօտը. Լատինք Ս. Գերեզմանին մօտ ունին Ս. Աստուածածնի անուամբ փոքրիկ մատուռ մը՝ ուր Յիսուս իր մօրը երեւցաւ յետ յարութեան (Հան. էջ 189):

Ներսէս Լամբրոնացին իր «Վերափոխան» ներբողեանին մէջ կը յիշատակէ Յիսուսի իր մօրը երեւնալը յետ յարութեան, հետեւեալ սրտառուչ տողերով. «Իսկ Աստուածածին կոյսը նստաւ Գերեզմանին մօտ, ըսելով, ինձ ի՛նչ մխիթարութիւն յարութեան աւետիքը, երբ չեմ տեսներ յարուցեալը. ես արցունքներովս գերեզման դրի իբր մեռեալ, կը փափաքիմ յարուցեալ տեսնել եւ ողջագուրելով ուրախանալ: Երբ չեմ տեսներ իմ որդեակը՝ թէ եւ յարուցեալ, բայց ինձ համար մեռեալ կը նկատեմ. ըսելով այս խօսքերը կ'ողբար, և ունայն գերեզմանին նայելով կուլար և կ'ըսէր. որդեակ, ոմանք կը համբաւեն թէ մարմինդ գողցած են, եւ այլք՝ յարուցեալ, եւ ես այս տարակոյսներուն մէջ կը տարուբերիմ: Ո՛վ Յիսուս, ցոյց տուր այս խորհուրդին ճշմարտութիւնը: Երբ այս